

30 onns pcd giuvna en il Grischun

I vegn commemorà cun cuss. fed. Doris Leuthard

■ (cp) **Il 24 d'october po la Partida cristiandemocratica (pcd) giuvna dal Grischun festivar 30 onns. Ses anniversari radund e sia istorgia da success durant trais decennis vegn la pcd giuvna giubilara a commemorar en preschientscha da cuss. fed. Doris Leuthard en l'Auditori da la BCG a Cuira.** La pcd giuvna dal Grischun è vegnida fundada ils 29 da schaner 1983 en il restaurant Pestalozza a Cuira. Dapi alur è la pcd giuvna sa sviluppada – tras l'engaschi dals politicamein interessads – a la pli gronda partida dals giuvens en il Grischun. Oz è ella represchentada tant sin plaun communal, chantunal e cun cuss. naz. *Martin Candinas* er en la confederaziun per ils interess dal center politic ed en tut spezial dals giuvens.

A chaschun da la festividat da 30 onns pcd giuvna en il Grischun vegn cuss. fed. *Doris Leuthard* a salvar il referat. Da la suandanta discussiun al podi vegnan a far part: cuss. fed. Doris Leuthard, cuss. gov. *Mario Cavigelli*, deputà *Livio Zanetti* e la giuvna commembra *Corina Caluori*. Els vegnan a prender posiziun davart dumondas actualas pertutgant la politica da traffic, energia e concernent la debatta sur segundas abitaziuns, mintgamai sin dumondas da cuss. naz. *Martin Candinas*. Cuss. dals chantuns, *Stefan Engler*,



A chaschun da la festividat da 30 onns pcd giuvna en il Grischun vegn cuss. fed. Doris Leuthard a salvar il referat. KEYSTONE

president da la pcd grischuna, s'auda era tar ils gratulants.

Tar quella occurrenza giubilara vegn ina petiziun da la pcd giuvna dal Grischun preschientada da *Tino Schneider*, suprastant e dad *Ivan Marijanovic*, student da las scienziass politicass e commember da la pcd giuvna chantunala. Ils

copresidents da la pcd giuvna, *Severin Geisseler* e *Reto Cramer*, vegnan a dar in sguard en il passà ed en l'avegnir da la pcd giuvna dal Grischun e sia politica dal center.

L'occurrenza è publica. Era simpatissants e na commembers èn cordialmain bainvegnids. Tar l'apero suandant èsi

chaschun da far in viva cun tuts mandataris da la pcd e cuss. fed. Doris Leuthard.

L'occurrenza entschaiva gievgia, ils 24 d'october 2013 allas 19.15. Per il di suandant è prevista ina guidada tras la citad da Cuira cun gentar, degustaziun e tschaina da cuminanza.